

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

Po zahtjevu za davanje mišljenja privrednog subjekta BOREAS d.o.o. Kreševo, Bosna i Hercegovina

Sarajevo
maj, 2013. godine



Broj: 01-26-7-08-3-I/13
Sarajevo, 16.05.2013. godine

Na osnovu člana 25. stav (1) tačka f) Zakona o konkurenciji ("Službeni glasnik BiH" br. 48/05, 76/07 i 80/09), a po Zahtjevu za davanje mišljenja privrednog subjekta BOREAS d.o.o. Polje b.b., 71260 Kreševo, Bosna i Hercegovina, zaprimljenog dana 19.04.2013. godine, pod brojem: 01-26-7-08-I/13, Konkurencijsko vijeće Bosne i Hercegovine, na 60. (šezdesetoj) sjednici održanoj dana 16.05.2013. godine, je donijelo

MIŠLJENJE

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo od privrednog subjekta BOREAS d.o.o. Polje b.b., 71260 Kreševo (u daljem tekstu: Podnosilac zahtjeva) Zahtjev za davanje mišljenja (u daljem tekstu: Zahtjev), dana 19.04.2013. godine pod brojem: 01-26-7-08-I/13.

Podnosilac zahtjeva traži mišljenje Konkurencijskog vijeća o usklađenosti prijedloga Ugovora o kupoprodaji robe za 2013. godinu (u daljem tekstu: Ugovor) s odredbama Zakona o konkurenciji (u daljnjem tekstu: Zakon).

Uvidom u podneseni Zahtjev Konkurencijsko vijeće je utvrdilo da isti nije kompletan, te je zatražilo dopunu Zahtjeva, dana 22.04.2013. godine aktom broj: 01-26-7-08-1-I/13, koju je Podnosilac zahtjeva dostavio dana 25.04.2013. godine podneskom broj: 01-26-7-08-2-I/13.

U prijedlogu Ugovora definišu se, između ostaloga, međusobna prava i obaveze ugovornih strana u kupoprodaji roba iz asortimana prodavaoca, odnosno Podnosioca zahtjeva.

Konkurencijsko vijeće ističe da su članom 4. stav (1) Zakona zabranjeni sporazumi, ugovori, pojedine odredbe sporazuma ili ugovora, zajednička djelovanja, izričiti i prešutni dogovori privrednih subjekata, kao i odluke i drugi akti privrednih subjekata (u daljem tekstu: sporazumi) koji za cilj i posljedicu imaju sprečavanje, ograničavanje ili narušavanje tržišne konkurencije na relevantnom tržištu, a koji se odnose na:

- a) direktno ili indirektno utvrđivanje kupovnih i prodajnih cijena ili bilo kojih drugi trgovinskih uslova;
- b) ograničavanje i kontrolu proizvodnje, tržišta, tehničkog razvoja ili ulaganja;
- c) podjelu tržišta ili izvora snabdijevanja;
- d) primjenu različitih uslova za iste transakcije s drugim privrednim subjektima, dovodeći ih u nepovoljan položaj u odnosu na konkurenciju;
- e) zaključivanje takvih sporazuma kojima se druga strana uslovljava da prihvati dodatne obaveze koje po svojoj prirodi ili običajima u trgovini nisu u vezi s predmetom sporazuma.

Konkurencijsko vijeće je analiziralo odredbe prijedloga Ugovora, listu komercionalnih naknada, prijedlog Aneksa ugovora - ambalaža i prijedlog Aneksa ugovora - pravilnik o zamjeni robe sa kratkim rokom važenja, te utvrdilo da odredba (koja se nalazi na listi komercijalnih naknada – uslovi za odobravanje super rabati) koja glasi „*kupci koji imaju veći broj maloprodajnih objekata i kvadraturu istih iznad 20.000 m2 ostvaruju mogućnost odgode plaćanja od 45 dana*“ nije u skladu sa odredbama člana 4. stav (1) Zakona, jer se na ovaj način stavljaju u neravnopravan i diskriminirajući položaj kupci koji imaju manje maloprodajne objekte, a u svakom slučaju da obim njihove (kupovine) prodaje roba iz asprtimana (prodavaoca) ne zavisi isključivo o veličini prostora.

Iz navedenoga proizilazi, da sve komercionalne naknade (rabati i druge naknade), uključujući i super rabat trebaju biti utvrđeni na način da osiguravaju svim kupcima ravnopravan početni položaj bez obzira na veličinu prostora i broj maloprodajnih objekata u kojima se vrši prodaja (a da isključivo visina /količina prodaje roba iz asortimana prodavaoca određuje rabate i druge povoljnije trgovačke uslove).

Slijedom navedenoga odredbe Ugovora (prilozi i aneksi) trebaju osiguravati jednake kupoprodajne uslove prema svim kupcima, uzimajući u obzir da visina rabata i rokovi plaćanja trebaju biti vezani za količinu prodane robe.

Ovo mišljenje je dato isključivo na osnovu Ugovora i dokumentacije dostavljene uz Zahtjev.

Predsjednica

Gordana Živković